

海一濛鴻

雲煙慘澹雨霏微石洞留人不放歸應是洞天相顧念一生嗟  
我到來稀

雲海茫茫不見涯潮頭只見浪翻花高峯萬疊連雲秀一簇圍  
屏是道家

松風澗水兩清幽盡日清音夜未休野鶴時來應不倦閑人欲  
去更相留

溪深石大更松多鬱鬱蒼蒼道氣和不是歷年樵採重浮雲蔽  
日滿巖阿

貫世高名共切雲遊山上士獨離羣仙卿貴重三茅客仕族尊  
道藏輯要

礪溪集

三

又胃集三

榮萬石君

西山仰視刺天高山上仙家種碧桃桃熟幾番人換世洞中秦  
女體生毛

清歌窈窕步虛齊月下高吟鳳舞低談笑不干浮世事相將直  
過九天西

煙霞紫翠白雲高洞府羣仙醉碧桃鼓透碧巖雷震駭滿山禽  
獸盡呼號

道力神功不可言生成萬化獨超然大山潛嶽知輕重沒底空  
浮萬萬年

八月十日自昌樂縣還濰州城北玉清觀作中秋詩十五首

西縣東來至玉清金風一掃暮天晴開懷便賞中秋月只恐臨  
時晦不明

萬木西風徧九州巖光一夜向西流出塵爽氣清人骨是處歌  
歡不解留

初離海嶠有餘清萬國歡心賀太平但願寶光無晦朔不教天  
質有虧盈

渾金璞玉上天衢抱雪凝霜耀太虛四海百川無不鑒羣生萬  
象悉安居

一片清光萬里開無分茅屋與樓臺家家盡得閑吟賞更有清  
風助快哉

道藏輯要

磻溪集

三

又胃集三  
川文

有客徘徊望太虛開尊專欲賞蟾蜍蟾光不解留人意澹澹青  
霄只自如

金波晝夜不曾閑淡蕩清輝出海山素魄高昇游物外恩光下  
照滿人間

碧漢崢嶸自有期天光照耀本無私卻憂下土昏魔重不見金  
輪出現時

團圓皓月挂空虛百鍊青銅鑑不如一切水中皆影現羣魔摘  
膽盡消除

桂影朦朧下照人縱橫萬古不知因何當跨鶴雲霄上俯視青  
天白玉輪



雲去雲來不暫停朝昏恍惚變陰晴今宵幸對嬋娟質剩作新  
詩暢道情

年年此際殺生多造業彌天不奈何幸謝吾皇嚴禁切都教性  
命得安和

聖主登基萬物安仁風滅殺自朝端邦君士庶皆修德好放蟾  
光與眾看

靜夜迢迢起黑雲眾生無分樂天眞空中自是雲遮眼天外何  
曾月避人

百歲光陰瞬息間中秋幾度得開顏不如鍊性如秋月晃朗身  
心自在閑

道藏輯要

福溪集

三  
又胃集三

青天歌

青天莫起浮雲障雲起青天遮萬象萬象森羅鎮百邪光明不  
顯邪魔王

我初開廓天地清萬戶千門歌太平有時一片黑雲起九竅百  
骸俱不靈

是以長教慧風烈三界十方飄蕩徹雲散虛空體自眞自然現  
出家家月

月下方堪把笛吹一聲響亮鎮華夷驚起東方玉童子倒騎白  
鹿如星馳

逡巡別轉一般樂也非笙兮也非角二尺雲璈十二徽歷劫年